



## SLUŽBA ZA REVIZIJU FINANSIRANJA POLITIČKIH STRANAKA

Na osnovu člana 10. stav (1) Zakona o finansiranju političkih stranaka («Službeni glasnik BiH» broj 95/12 i 41/16), člana 25. Pravilnika o godišnjim finansijskim izvještajima političkih stranaka («Službeni glasnik BiH» broj 96/13, 89/16 i 5/22) i člana 12. Pravilnika o administrativnim procedurama pregleda, kontrole i revizije finansijskih izvještaja političkih stranaka («Službeni glasnik BiH» broj 103/08 i 5/22), izdajem

### IZVJEŠTAJ O PREGLEDU GODIŠNJEG FINANSIJSKOG IZVJEŠTAJA ZA 2021. GODINU HRVATSKE STRANKE PRAVA DR. ANTE STARČEVIĆ BOSNE I HERCEGOVINE

Broj: 03-07-6-444/22  
Sarajevo, 28.11.2023. godine

## SADRŽAJ

1. UVOD .....	4
2. PREDSTAVLJANJE POLITIČKE STRANKE .....	4
3. OPIS PREGLEDA I KONTROLE FINANSIJSKOG IZVJEŠTAJA .....	5
Predmet pregleda i kontrole .....	5
Cilj pregleda i kontrole .....	5
Obim pregleda i kontrole .....	5
4. PRETHODNE KONTROLE I REVIZIJE.....	5
5. NALAZI I PREPORUKE .....	5
5.1 NALAZI.....	5
5.2 PREPORUKE .....	8

## **MIŠLJENJE REVIZORA**

Služba za reviziju finansiranja političkih stranaka izvršila je pregled godišnjeg finansijskog izvještaja Hrvatske stranke prava Dr. Ante Starčević Bosne i Hercegovine za 2021. godinu.

Rukovodstvo političke stranke je odgovorno za finansijske izvještaje, postupanje stranke u skladu sa odredbama Zakona o finansiranju političkih stranaka, te uspostavljanje efikasnog sistema internih kontrola.

Pregled smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled je ograničen na kontrolu godišnjeg finansijskog izvještaja političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom revizijom u prostorijama stranke.

**Pregledom godišnjeg finansijskog izvještaja za 2021. godinu, utvrđeno je da je Hrvatska stranka prava Dr. Ante Starčević Bosne i Hercegovine prekršila odredbe člana 4. stav (1), člana 5. stav (4), člana 11. stav (1) i člana 12. Zakona o finansiranju političkih stranaka.**

**Na osnovu našeg pregleda, odnosno kontrole finansijskog izvještaja, osim gornje napomene, nismo zapazili ništa značajno što bi ukazalo na nedostatke u finansijskom izvještaju ili na finansiranje ove političke stranke suprotno odredbama Zakona o finansiranju političkih stranaka.**

## 1. UVOD

Služba za reviziju finansiranja političkih stranaka (u daljem tekstu: Služba za reviziju) izvršila je pregled godišnjeg finansijskog izvještaja Hrvatske stranke prava Dr. Ante Starčević Bosne i Hercegovine za 2021. godinu.

Pregled i kontrola finansijskog izvještaja su provedeni u skladu sa članom 25. Pravilnika o godišnjim finansijskim izvještajima političkih stranaka i članom 2. Pravilnika o administrativnim procedurama pregleda, kontrole i revizije finansijskih izvještaja političkih stranaka.

Zbog činjenice da nije obavljena revizija u prostorijama političke stranke, postoji mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja za 2021. godinu, Hrvatska stranka prava Dr. Ante Starčević Bosne i Hercegovine se finansirala iz sljedećih izvora:

R/B	Izvori finansiranja	Iznos (KM)	Struktura (%)
1.	Članarina	0,00	0,00
2.	Prilozi fizičkih lica ( 3-a )	0,00	0,00
3.	Prilozi pravnih lica ( 3-b )	0,00	0,00
4.	Prihodi od imovine ( 3-c )	0,00	0,00
5.	Prihodi od dobiti preduzeća u vlasništvu političke stranke ( 3-d )	0,00	0,00
6.	Prihodi od poklona ( 3-e )	0,00	0,00
7.	Prihodi iz budžeta ( 3-f )	12.600,00	87,61
8.	Prihodi od propagande ( 3-g )	0,00	0,00
<b>I</b>	<b>Ukupni prihodi (1-8)</b>	<b>12.600,00</b>	<b>87,61</b>
<b>II</b>	<b>Ostali prihodi i drugo</b>	<b>1.782,50</b>	<b>12,39</b>
	<b>Izvori finansiranja (I+II)</b>	<b>14.382,50</b>	<b>100,00</b>

U godišnjem finansijskom izvještaju za 2021. godinu Hrvatska stranka prava Dr. Ante Starčević Bosne i Hercegovine je iskazala rashode u ukupnom iznosu od 13.379,00 KM.

## 2. PREDSTAVLJANJE POLITIČKE STRANKE

Naziv političke stranke je Hrvatska stranka prava Dr. Ante Starčević Bosne i Hercegovine. Skraćeni naziv stranke je HSP AS BIH.

Hrvatska stranka prava Dr. Ante Starčević Bosne i Hercegovine registrovana je kod Općinskog suda u Širokom Brijegu, Rješenjem broj: 064-0-Reg-09-001138 od 21.12.2009. godine. Rješenjem broj: 064-0-F1-12-000001 od 30.03.2012. godine, broj: 064-0-F1-18-000001 od 09.04.2018. godine i broj: 064-0-F1-20-000002 od 20.01.2021. godine u registru suda upisane su promjene lica ovlaštenog za zastupanje političke stranke i adresa sjedišta političke stranke.

Prema podacima iz godišnjeg finansijskog izvještaja za 2021. godinu, sjedište političke stranke je u Širokom Brijegu, Trg Ante Starčevića bb, dok je, prema podacima iz registra suda, sjedište političke stranke u Širokom Brijegu, Donji Crnač bb.

Lice ovlašteno za zastupanje stranke je Milijan Nakić, predsjednik.

Lice ovlašteno za podnošenje finansijskog izvještaja za 2021. godinu je Stjepan Hrkać.

Prema podacima iz godišnjeg finansijskog izvještaja za 2021. godinu, Hrvatska stranka prava Dr. Ante Starčević Bosne i Hercegovine nema niže nivoe organizovanja.

### 3. OPIS PREGLEDA I KONTROLE FINANSIJSKOG IZVJEŠTAJA

**Predmet pregleda i kontrole** je godišnji finansijski izvještaj Hrvatske stranke prava Dr. Ante Starčević Bosne i Hercegovine za 2021. godinu.

**Cilj pregleda i kontrole** je da revizor na bazi finansijskog izvještaja pokuša da ustanovi da li je politička stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskog izvještaja utvrdi određena kršenja navedenih zakona, ocjenjuje da li je potrebno izvršiti reviziju u prostorijama stranke da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

**Obim pregleda i kontrole** finansijskog izvještaja Hrvatske stranke prava Dr. Ante Starčević Bosne i Hercegovine obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava. Obim pregleda je bio ograničen jer Hrvatska stranke prava Dr. Ante Starčević Bosne i Hercegovine nije dostavila poslovne knjige za 2021. godinu, niti dokumentaciju o ostalim prihodima.

### 4. PRETHODNE KONTROLE I REVIZIJE

Služba za reviziju je izvršila pregled i kontrolu finansijskih izvještaja Hrvatske stranke prava Dr. Ante Starčević Bosne i Hercegovine u periodu od 2010. do 2020. godine, nakon kojih su izdati izvještaji o pregledu sa mišljenjem revizora, nalazima i preporukama revizije.

Nakon izvršenog pregleda godišnjeg finansijskog izvještaja za 2020. godinu, izdat je Izvještaj o pregledu sa mišljenjem revizora, nalazima revizije i preporukama stranci da svake godine donosi program utroška sredstava i da isti dostavlja Centralnoj izbornoj komisiji Bosne i Hercegovine nakon njegovog donošenja, da vodi evidencije o priložima, da vodi poslovne knjige i podnosi finansijske izvještaje u skladu sa računovodstvenim propisima, da finansijske izvještaje koje podnosi Centralnoj izbornoj komisiji Bosne i Hercegovine popunjava u skladu sa Pravilnikom o godišnjim finansijskim izvještajima političkih stranaka, da dostavlja dodatnu dokumentaciju koju zatraži Centralna izborna komisija Bosne i Hercegovine i da u finansijskom izvještaju iskaže koristi ostvarene od aktivnosti subjekata koji su na bilo koji način povezani sa strankom ili su pod njenom kontrolom.

#### **Nerealizovane preporuke:**

Na osnovu uočenih nedostataka u godišnjem finansijskom izvještaju za 2021. godinu, utvrđeno je da Hrvatska stranka prava Dr. Ante Starčević Bosne i Hercegovine nije ispoštovala preporuke.

### 5. NALAZI I PREPORUKE

#### 5.1 NALAZI

**a) Hrvatska stranka prava Dr. Ante Starčević Bosne i Hercegovine nije postupila u skladu sa odredbama člana 4. stav (1) Zakona o finansiranju političkih stranaka<sup>1</sup>.**

Hrvatska stranka prava Dr. Ante Starčević Bosne i Hercegovine je finansijska sredstva stranke utrošila bez donesenog programa utroška sredstava, čime je prekršila odredbe člana 4. stav (1) Zakona o finansiranju političkih stranaka.

Hrvatska stranka prava Dr. Ante Starčević Bosne i Hercegovine je u godišnjem finansijskom izvještaju za 2021. godinu iskazala rashode u ukupnom iznosu od 13.379,00 KM.

---

<sup>1</sup> Finansijska sredstva iz člana 3. stav (1) Zakona o finansiranju političkih stranaka, politička stranka može koristiti isključivo za ostvarivanje ciljeva utvrđenim svojim programom i statutom.

Uvidom u službene evidencije, utvrđeno je da stranka nije Centralnoj izbornoj komisiji Bosne i Hercegovine dostavila program utroška sredstava za 2021. godinu, a koji je bila dužna dostaviti najkasnije uz godišnji finansijski izvještaj za 2020. godinu, tj. do 31.03.2021. godine.

**b) Hrvatska stranka prava Dr. Ante Starčević Bosne i Hercegovine prekršila je odredbe člana 5. stav (4), člana 11. stav (1) i člana 12. Zakona o finansiranju političkih stranaka.**

Na osnovu obavljenog pregleda godišnjeg finansijskog izvještaja za 2021. godinu, utvrđeno je da Hrvatska stranka prava Dr. Ante Starčević Bosne i Hercegovine nije vodila pravilne i potpune evidencije o prihodima i rashodima, nije prijavila nenovčanu donaciju po osnovu korištenja poslovnog prostora bez naknade, godišnji finansijski izvještaj nije dostavila i popunila u skladu sa odredbama Pravilnika o godišnjim finansijskim izvještajima političkih stranaka (u daljem tekstu: Pravilnik) i nije dostavila dodatnu dokumentaciju, čime je prekršila odredbe člana 5. stav (4), člana 11. stav (1) i člana 12. stav (1), stav (4) i stav (5) Zakona o finansiranju političkih stranaka.

- (1) Politička stranka je godišnji finansijski izvještaj podnijela suprotno odredbama člana 12. stav (4) Zakona o finansiranju političkih stranaka<sup>2</sup> i člana 3. stav (1) i člana 7. stav (1) Pravilnika<sup>3</sup>.

Uvidom u službene evidencije, utvrđeno je da je Hrvatska stranka prava Dr. Ante Starčević Bosne i Hercegovine godišnji finansijski izvještaj za 2021. godinu podnijela u elektronskoj formi, putem aplikacije FI CIK BiH, dana 31.03.2022. godine. Stranka je dana 04.04.2022. godine Centralnoj izbornoj komisiji Bosne i Hercegovine dostavila obrasce godišnjeg finansijskog izvještaja za 2021. godinu, odštampane iz aplikacije u PDF formatu, bez potpisa ovlaštenog lica i pečata političke stranke.

Nakon zahtjeva i urgencije Centralne izborne komisije Bosne i Hercegovine, Hrvatska stranka prava Dr. Ante Starčević Bosne i Hercegovine je, dana 24.01.2023. godine, dostavila godišnji finansijski izvještaj za 2021. godinu u čvrstoj kopiji ovjeren potpisom ovlaštenog lica i pečatom političke stranke. Međutim, stranka nije dostavila obrasce 1.1 (organizaciona struktura političke stranke) i 5 (obaveze političke stranke) godišnje finansijskog izvještaja u čvrstoj kopiji, a što je bila obavezna.

- (2) U obrascu 3-e (nenovčane donacije i računi koje politička stranka nije imala obavezu da plati) godišnjeg finansijskog izvještaja stranka nije iskazala nenovčanu donaciju po osnovu besplatnog korištenja poslovnog prostora u vlasništvu fizičkog lica, čime je prekršila odredbe člana 5. stav (4) i člana 12. stav (1) i stav (4) Zakona o finansiranju političkih stranaka i odredbe člana 13. i 18. Pravilnika.

Uvidom u Ugovor o zakupu poslovnog prostora bez naknade koji je zaključen sa fizičkim licem Žana Nakić, utvrđeno je da je stranka počev od 27.01.2021. godine koristila prostor, površine 10 m<sup>2</sup>, bez naknade.

Stranka je imala obavezu da procijeni vrijednost nenovčane donacije, te da istu evidentira u poslovnim knjigama i iskaže u Završnom računu i godišnjem finansijskom izvještaju za 2021. godinu.

- (3) Hrvatska stranka prava Dr. Ante Starčević Bosne i Hercegovine je u obrascu 3 (izvori finansiranja političke stranke) godišnjeg finansijskog izvještaja iskazala ostale prihode u iznosu

---

<sup>2</sup> Do 31.3. naredne godine politička stranka podnosi finansijski izvještaj u formi koju odobri Centralna izborna komisija Bosne i Hercegovine. Ovaj izvještaj sadrži podatke utvrđene Izbornim zakonom Bosne i Hercegovine. Centralna izborna komisija Bosne i Hercegovine donosi propise za provođenje odredbi kojima se bliže utvrđuju sadržaj, forma, način i drugi detalji izvještavanja.

<sup>3</sup> Političke stranke podnose Centralnoj izbornoj komisiji BiH godišnji finansijski izvještaj za svaku kalendarsku (računovodstvenu) godinu u elektronskoj formi putem aplikacije FI CIK BIH. Potvrdu o podnesenom godišnjem finansijskom izvještaju i odštampane obrasce finansijskog izvještaja u PDF formatu ovjere potpisom ovlaštenog lica i pečatom političke stranke dostavljaju Centralnoj izbornoj komisiji BiH i u čvrstoj kopiji.

od 1.782,50 KM, što na osnovu dostavljene dokumentacije (izvoda sa transakcijskih računa i primitaka i izdataka iz blagajne) nije moglo biti potvrđeno.

Naime, uvidom u izvode sa transakcijskog računa političke stranke broj: 3382202265155408 kod UniCredit bank d.d., utvrđeno je da su sredstva u iznosu od 1.300,00 KM uplaćena sa računa Ministarstva finansija i trezora Bosne i Hercegovine, odnosno da je izvršen povrat uplaćene takse za ovjeru učešća političke stranke za Lokalne izbore 2020. godine. Takođe, kontrolom prometa izvoda sa transakcijskog računa broj: 3382202257007117 kod UniCredit bank d.d., utvrđeno je da je fizičko lice Milijan Nakić dana 10.03.2021. godine izvršio polog sredstava u iznosu od 20,00 KM, te da je ostvaren prihod od kamata na novčana sredstva na transakcijskom računu u iznosu od 0,04 KM.

- (4) Hrvatska stranka prava Dr. Ante Starčević Bosne i Hercegovine je u obrascu 4.1 (režijsko-administrativni i ostali troškovi) iskazala troškove zakupa poslovnog prostora u iznosu od 2.000,00 KM.

Uvidom u Izdatak broj: 3367991 od 04.01.2021. godine utvrđeno je da su sredstva u iznosu od 2.000,00 KM isplaćena fizičkom licu Verica Grbešić na ima duga za zakup i adaptaciju prostora.

S druge strane, Hrvatska stranka prava Dr. Ante Starčević Bosne i Hercegovine u godišnjem finansijskom izvještaju nije iskazala troškove zakupnine poslovnog prostora po osnovu zaključenog ugovora sa fizičkim licem Žana Nakić, čime je prekršila odredbe člana 21. i 22. Pravilnika.

- (5) Hrvatska stranka prava Dr. Ante Starčević Bosne i Hercegovine je u obrascu 2.1 (pregled stanja blagajne) godišnjeg finansijskog izvještaja za 2021. godinu iskazala sljedeće podatke o stanju i prometu ostvarenom putem blagajne: početno stanje u iznosu od 0,00 KM, promet ulaza u iznosu od 8.670,00 KM, promet izlaza u iznosu od 8.670,00 KM i stanje na dan 31.12.2021. godine u iznosu od 0,00 KM.

Prema podacima iz primitaka i izdataka, koji su dostavljeni u dodatnoj dokumentaciji, utvrđeno je da je ukupan promet ulaza iznosio 8.170,00 KM, a ukupan promet izlaza 8.170,00 KM. Stranka uz primitke i izdatke nije dostavila blagajničke dnevničke, račune za usluge i robe<sup>4</sup>, niti dokaze o podizanju novca sa transakcijskog računa stranke za potrebe blagajne.

Uvidom u izvode sa transakcijskog računa 3382202257007117 utvrđeno je da su sa ovog računa isplaćena sredstva u gotovom novcu u iznosu od 9.148,50 KM.

Imajući u vidu da stranka nije dostavila poslovne knjige i da podaci o isplaćenim sredstvima ne odgovaraju podacima koje stranka iskazala u godišnjem finansijskom izvještaju, kao i da stranka nije dostavila kopiju dokumentacije na osnovu koje su vršene isplate, nije moguće utvrditi koliko je iznosio promet putem blagajne, te da li je stranka na dan 31.12.2021. godine imala sredstva u blagajni.

Pored navedenog, a uvidom u dostavljenu finansijsku dokumentaciju političke stranke, utvrđeni su nedostaci kod računa koji su knjigovodstvene isprave o nastalim poslovnim događajima<sup>5</sup>.

-Na osnovu dostavljenih kopija računa SUR „Vikend“ Široki Brijeg, utvrđeno je da na računima nije navedena vrsta usluge-robe, a da su računi izdati na ukupno 3.790,00 KM<sup>6</sup>.

<sup>4</sup> Isplata za zakup, knjigovodstvene usluge, električnu energiju, telefon i sl.

<sup>5</sup> U skladu sa računovodstvenim propisima, knjigovodstvena isprava mora biti potpuna, istinita, računski tačna i uredna, sačinjena tako da omogućava potpun uvid u vjerodostojnost dokumenta. Sadržaj knjigovodstvene isprave mora nedvojbeno i vjerodostojno pokazivati vrstu i obim nastale promjene (kupovina, količina, cijena, ukupan iznos), karakter poslovne promjene u knjigovodstveno-tehničkom smislu, tehnička obilježja i sl.

<sup>6</sup> Rn br. 133/21 od 30.03.2021. u iznosu od 540,00 KM, br. 139/21 od 12.04.2021. u iznosu od 300,00 KM, br. 197/21 od 10.04.2021. u iznosu od 200,00 KM, br. 138/21 od 13.07.2021. u iznosu od 300,00 KM, br. 243/21 od 20.07.2021. u iznosu od 200,00 KM, br. 268/21 od 07.08.2021. u iznosu od 100,00 KM i br. 435/21 od 30.09.2021. u iznosu od 2.150,00 KM.

-Stranka je izvršila plaćanje usluge servisa vozila po računu „Autoservis Topić“ Široki Brijeg broj: 24/21 od 05.06.2021. godine u iznosu od 480,00 KM, te je putem transkcijskog računa plaćala troškove goriva, a da prema podacima iz Bilansa stanja na dan 31.12.2021. godine u svojoj imovini nema osnovna sredstva, pa samim tim ni automobil. Na osnovu navedenog, nije moglo biti utvrđeno u koju svrhu su utrošena finansijska sredstva stranke.

- (6) Centralna izborna komisija BiH je političkoj stranci dana 16.08.2022. godine uputila Zahtjev za dostavljanje dodatne dokumentacije broj: 03-07-6-444-2/22, te je dana 15.12.2022. godine uputila i Urgenciju za dostavljanje dodatne dokumentacije broj: 03-07-6-444-3/22 kojom je od stranke zatražila da dostavi sljedeću dokumentaciju: dokumentaciju o korištenju poslovnog prostora u 2021. godini, glavnu knjigu sa kompletnim analitičkim evidencijama za period 01.01.- 31.12.2021. godine, kopiju blagajničkih dnevnika za period 01.01.- 31.12.2021. godine i dokumentaciju o ostalim приходima.

Stranka je dana 24.01.2023. godine dostavila Ugovor o zakupu poslovnog prostora bez naknade, kopiju računa za pojedine troškove i kopiju izdataka i primitaka iz blagajne, bez blagajničkih dnevnika i dokumentacije o isplatama.

S obzirom da stranka nije dostavila traženu finansijsku dokumentaciju, prekršila je odredbe člana 12. stav (5) Zakona o finansiranju političkih stranaka.

- (7) Hrvatska stranka prava Dr. Ante Starčević Bosne i Hercegovine je u skladu sa odredbom člana 12. stav (2) Zakona o finansiranju političkih stranaka<sup>7</sup> imala obavezu da u godišnji finansijski izvještaj uključi koristi ostvarene od aktivnosti udruženja „Hrvatski narodni sabor Bosne i Hercegovine“, koje je povezano sa političkom strankom, jer je stranka članica ovog udruženja<sup>8</sup>.

## 5.2 PREPORUKE

***Preporučuje se političkoj stranci Hrvatska stranka prava Dr. Ante Starčević Bosne i Hercegovine da se pridržava odredaba Zakona o finansiranju političkih stranaka, a posebno na osnovu uočenih nedostataka se preporučuje:***

- ***da svake godine donosi program utroška sredstava i da isti dostavlja Centralnoj izbornoj komisiji Bosne i Hercegovine, te da finansijska sredstva stranke troši u skladu sa programom utroška sredstava,***
- ***da vodi evidencije o priložima,***
- ***da vodi poslovne knjige i podnosi finansijske izvještaje u skladu sa računovodstvenim propisima,***
- ***da finansijske izvještaje koje podnosi Centralnoj izbornoj komisiji Bosne i Hercegovine popunjava i dostavlja na način utvrđen Pravilnikom o godišnjim finansijskim izvještajima političkih stranaka,***
- ***da dostavlja dodatnu dokumentaciju koju zatraži Centralna izborna komisija Bosne i Hercegovine i***
- ***da u finansijskom izvještaju iskaže koristi ostvarene od aktivnosti subjekata koji su na bilo koji način povezani sa strankom ili su pod njenom kontrolom.***

---

<sup>7</sup> Politička stranka obavezna je u svom izvještaju uključiti sve koristi ostvarene od aktivnosti subjekata koji su na bilo koji način povezani sa političkim strankama ili su pod njenom kontrolom.

<sup>8</sup> Hrvatski narodni sabor Bosne i Hercegovine kao udruženje promoviše političke stranke i njene članove, učestvuje u provođenju izborne kampanje i kreira programe koji su bitni samo političkim strankama, članicama ovog udruženja.



**KOMENTAR:**

U ostavljenom roku, Hrvatska stranka prava Dr. Ante Starčević Bosne i Hercegovine dostavila je Izjavu u kojoj je navela da nikada nije ostvarila nikakvu finansijsku, niti bilo koju korist od udruženja „Hrvatski narodni sabor Bosne i Hercegovine“. S obzirom da je stranka članica navedenog udruženja, smatramo da je u finansijskom izvještaju bila obavezna naznačiti da je povezana sa udruženjem, bez obzira da li je ostvarila mjerljivu finansijsku korist.

Šef Odsjeka za revizijske poslove, revizor  
Sanja Tošović

Šef Službe za reviziju  
Mr.sc Hasida Gušić